



## **OPĆINSKI NAČELNIK**

Broj: 01-19-700-11/26

Ustikolina: 20.05.2026. godine

Na osnovu člana 70. stav 1. Zakona o javnim nabavkama („Službeni glasnik BiH”, broj 39/14, 59/22 i 50/24) i člana 101., a u skladu sa članom 37. Statuta Općine Foča („Službene novine BPK-a Goražde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-700-9/26 od 18.05.2026. godine, u postupku javne nabavke radova „Sanacija lokalnog puta Jabuka- Slavičići i Jezero – Boškovići“, Načelnik Općine Foča **donosi**:

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za javne nabavke broj: 01-19-700-9/26 i ugovor za javnu nabavku radova Sanacija lokalnog puta Jabuka- Slavičići i Jezero – Boškovići, dodjeljuje se ponuđaču „Goraždeputevi“ d.o.o. Goražde, za ponuđenu cijenu od 20.743,00 KM bez uračunatog PDV-a kao najbolje ocjenjenom ponuđaču.

#### **Član 2.**

Prijedlog ugovora o nabavci dostavit će se na potpis izabranom ponuđaču „Goraždeputevi“ d.o.o. Goražde.

#### **Član 3.**

Za izvršenje ove odluke zadužuje se Služba za prostorno uređenje, komunalne, geodetske, katastarske i stambene poslove, imovinsko-pravna pitanja, boračko- invalidsku zaštitu.

#### **Član 4.**

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-19-700-1/26 od 06.05.2026. godine. Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 20.772,64 KM. Obavijest o nabavci broj: 1359-7-3-70-3-2/26 poslata je na objavu dana 07.05.2026. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 33/26 dana 08.05.2026. godine. Komisija za javnu nabavku imenovana je Rješenjem broj: 01-11-805/26 od dana 14.05.2026. godine. Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 18.05.2026. godine do 11<sup>00</sup> sati, te je izvršeno javno otvaranje ponuda u 11<sup>30</sup> sati, što je konstatovano Zapisnikom sa otvaranja ponuda od 18.05.2026. godine. Zapisnik sa otvaranja ponuda isti je dan poslat ponuđaču elektronskom poštom. Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 01-19-700-2/26 od 06.05.2026. godine, odnosno pregledu ponuda u skladu sa

procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena 1 (jedna) ponuda i to:

R.b	Naziv i sjedište ponuđača	Cijena bez PDV-a	Ponuđeni popust	Ukupna cijena sa popustom (bez PDV-a)
1.	Goraždeputevi d.o.o Goražde	20.743,00 KM	-	20.743,00 KM

Detaljnim postupkom pregleda i ocjena ponuda, Komisija za javne nabavke je utvrdila da ponuda ponuđača:

- Goraždeputevi d.o.o. Goražde, je prihvatljiva jer ispunjavaju formalno pravne uslove i kvalifikacione uslove (lična sposobnost, sposobnost za obavljanje profesionalne djelatnosti, ekonomska i finansijska sposobnost, te tehničke i profesionalne sposobnosti) zahtjevane tenderskom dokumentacijom.

Tenderskom dokumentacijom je predviđeno da se u predmetnom postupku, u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 80/23), provede e-aukcija. Nakon što je konstatovano da je u otvorenom roku pristigla samo jedna ponuda koja je prihvatljiva, Komisija je u skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“, broj: 80/23), konstatovala da nema uslova za provođenje E-aukcije, te je utvrdila konačnu rang listu ponuđača, kako slijedi:

1. „Goraždeputevi“ d.o.o. Goražde 20.743,00 KM bez PDV-a.

Iz navedenih razloga, a primjenom člana 64. stav 1. tačka b) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača „Goraždeputevi, d.o.o. Goražde za izvođenje radova Sanacija lokalnog puta Jabuka- Slavičići i Jezero – Boškovići, kao prvoplasiranom na Rang listi, sa ponuđenom ukupnom cijenom u iznosu od 20.743,00 KM bez PDV-a.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača „Goraždeputevi“ d.o.o. Goražde najbolje ocijenjena ponuda prema kriteriju najniže cijene.

Na osnovu naprijed navedenog odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje 3 (tri) primjerka, u roku od 5 (pet) dana od dana prijema ove odluke.

**NAČELNIK OPĆINE**  
Mujo Sofradžija

#### **DOSTAVLJENO:**

1. „Goraždeputevi“ d.o.o. Goražde
2. Evidenciji
3. a/a